

Bosna i Hercegovina
Federacija Bosne i Hercegovine
Kanton Sarajevo
JU Peta gimnazija
Senada Poturka Senčijabb, 71000 Sarajevo
Tel/fax: 033/235-521 centrala: 033/235-413



Bosnia and Herzegovina
Federation of Bosnia and Herzegovina
Canton Sarajevo
High School Peta gimnazija
Senada Poturka Senčijabb, 71000 Sarajevo
Tel/fax: 033/235-521 operator: 033/235-413

01-2220 / 2024
09.09.24

**UPUTSTVO ZA KONTROLU I OGRANIČENU
UPOTREBU DUHANA, DUHANSKIH I OSTALIH
PROIZVODA ZA PUŠENJE U
JU PETA GIMNAZIJA - SARAJEVO**

Predsjednik Školskog odbora:

A. Gahvić

Direktorica škole:

T. Štobić



SADRŽAJ

1. UVOD	3
2. DEFINICIJE	3
3. PRINCIPI ZAKONA	6
4. ZABRANA PUŠENJA U JU GIMNAZIJA DOBRINJA	6
4.1. Zabrana pušenja	6
4.2. Osiguranje provođenja zabrane pušenja	6
5. ELEKTRONSKE CIGARETE, BEZDIMNI PROIZVODI ZA PUŠENJE I BILJNI PROIZVODI	7
6. ZABRANA REKLAMIRANJA DUHANA, DUHANSKIH PROIZVODA I OSTALIH PROIZVODA ZA PUŠENJE, UKLJUČUJUĆI ELEKTRONSKE CIGARETE	7
7. EDUKACIJA, INFORMIRANJE I JAČANJE JAVNE SVIJESTI	8
8. NADZOR NAO PROVEDBOM ZAKONA	8
8.1. Organi nadzora nad provođenjem Zakona	8
8.2. Ovlasti inspektora	8
9. KAZNE ODREDBE	9
10. POČETAK PRIMJENE PROPISA	9

1. UVOD

Ovim Uputstvom, u cilju zaštite i unapređenja zdravlja radnika JU Peta gimnazija (u daljem tekstu Škola) i drugih osoba koje se nalaze u objektima Škole, uređuju se mjere za zabranu i ograničenje upotrebe duhana, duhanskih i ostalih proizvoda za pušenje, suzbijanje štetnih posljedica, preventivne mjere i nadzor nad provođenjem Zakona o kontroli i ograničenoj upotrebi duhana, duhanskih i ostalih proizvoda za pušenje koji je stupio na snagu 28.05.2023. godine.

2. DEFINICIJE

U smislu Zakona:

- 1) Duhan je kultivirana biljka vrste *Nicotiana tabacum* L u svim oblicima i stupnjevima uzgoja i u svim fazama obrade i pakiranja koji ne služi krajnjoj potrošnji (neobrađeni duhan);
- 2) Duhan za samostalno motanje je duhan koji se može upotrebljavati za izradu cigareta koju obavljaju sami potrošači ili maloprodajna mjesta;
- 3) Duhan za oralnu uporabu je svaki duhanski proizvod za oralnu uporabu, osim onog namijenjenog za šmrkanje (uporabu putem nosa) ili žvakanje, izrađen u potpunosti ili dijelom od duhana, u obliku praha ili čestica ili u bilo kakvoj kombinaciji tih oblika, posebno one u vrećicama ili u poroznim vrećicama;
- 4) Duhan za lulu je duhan koji se može upotrebljavati putem postupka izgaranja i koji je namijenjen isključivo za korištenje u luli;
- 5) Vodena lula je naprava za pušenje kod koje dim prolazi kroz posudu sa vodom i hladi se prije udisanja kroz savitljivo crijevo. Vodena lula podrazumijeva nargilu, hookah, šišu;
- 6) Duhan za vodenu lulu je duhanski proizvod koji se može upotrebljavati putem vodene lule i smatra se duhanskim proizvodom za pušenje;
- 7) Duhan za žvakanje je bezdimni duhanski proizvod posebno namijenjen za žvakanje;
- 8) Duhan za šmrkanje je bezdimni duhanski proizvod koji se može upotrebljavati putem nosa;
- 9) Novi duhanski proizvod je duhanski proizvod koji ne pripada nijednoj od sljedećih kategorija:
 - a. cigarete,
 - b. duhan za samostalno motanje,
 - c. duhan za lule,
 - d. duhan za vodene lule,

- e. cigare,
 - f. cigarilos,
 - g. duhan za žvakanje,
 - h. duhan za šmrkanje ili duhan za oralnu potrošnju, i stavljen je na tržište nakon stupanja na snagu ovog zakona.
- 10) Cigareta je smotuljak duhana sa vanjskim omotom od papira koji se može upotrebljavati postupkom njegovog izgaranja;
 - 11) Cigara je smotuljak duhana sa vanjskim omotom od prirodnog duhana, teži od tri grama, i koji se može upotrebljavati postupkom njegovog izgaranja;
 - 12) Cigarilos je cigara najveće težine do tri grama po komadu;
 - 13) Aditiv je tvar, osim duhana, koja je dodana duhanskom proizvodu, pojedinačnom pakiranju ili bilo kakvom vanjskom pakiranju;
 - 14) Biljni proizvod za pušenje je proizvod na bazi biljaka, trava ili voća koji ne sadrži duhan, a može se upotrebljavati putem postupka izgaranja;
 - 15) Elektronička cigareta, u smislu ovog zakona, je proizvod koji se može koristiti za pušenje uporabom pare koja sadrži nikotin putem usnika ili bilo koji sastavni dio tog proizvoda, uključujući uložak, posudu za ponovno punjenje i uređaj bez uložka ili posude. Elektroničke cigarete mogu biti potrošne ili ponovno punjive putem posude za ponovno punjenje ili ponovno punjive pomoću uložaka za jednokratnu uporabu;
 - 16) Posuda za ponovno punjenje je posuda koja sadrži tekućinu s nikotinom, a koja se može koristiti za ponovno punjenje elektroničke cigarete;
 - 17) Duhanski proizvod je proizvod koji je u cijelosti ili djelomično napravljen od duhana koji jest ili nije genetički modificirani i proizveden je za njegovu uporabu putem pušenja, ušmrkavanja, uisavanja, žvakanja, ili bilo koje druge vrste uporabe;
 - 18) Duhanski dim je dim koji se oslobađa iz zapaljenog duhanskog proizvoda namijenjenog pušenju i dim koji se oslobađa iz pluća prilikom pušenja;
 - 19) Bezdimni duhanski proizvod je duhanski proizvod čija uporaba ne uključuje postupak izgaranja, uključujući duhan za žvakanje, duhan za šmrkanje i duhan za oralnu uporabu;
 - 20) Ostali duhanski proizvod je svaki proizvod napravljen u cijelosti ili djelomično od duhana, a nije obuhvaćen definicijom duhanskog proizvoda;
 - 21) Emisije su tvari koje se otpuštaju prilikom namjenske uporabe duhanskog ili srodnog proizvoda, kao što su tvari iz dima ili tvari koje se otpuštaju u procesu uporabe bezdimnih duhanskih proizvoda;

- 22) Javni zatvoreni prostor je svaki prostor, koji ima krov ili tavanicu (pokretnu ili nepokretnu) i potpuno zatvoreno više od polovine površine pripadajućih stijena, javno dostupan i namijenjen individualnom ili zajedničkom korištenju, bez obzira na pravo vlasništva ili pravo pristupa, a između ostalih, obuhvaća zajedničke prostore u stambenim zgradama, sve prostore u građevinama u kojima su smještene javne institucije, ustanove i poduzeća te sve prostore u građevinama u kojima se obavljaju djelatnosti iz područja javnog prijevoza, zdravstva, socijalne skrbi, odgoja i obrazovanja, trgovine, trgovački centri, prostori namijenjeni obavljanju uslužnih djelatnosti, sporta i rekreacije, ugostiteljstva, smještaja i turizma, kulture, umjetnosti i znanosti, sajmovi i izložbi, te prostore iz djelatnosti medija, igara na sreću, vjerskog, političkog i građanskog okupljanja, kao i svaki povezani i drugi pripadajući zatvoreni prostor, kao što su hodnici, dizala, stubišta, predvorja, zajedničke prostorije, toaleti, čekaonice, blagovaone, pomoćni objekti, skladišta, podrumi, garaže;
- 23) Mjesto rada je svaki prostor koji služi za obavljanje poslova i može biti natkriven, polunatkriven, u potpunosti ili djelomično ograđen, bez obzira na vrstu materijala od kojeg je sagrađen kao i svaki povezani i drugi pripadajući javni zatvoreni prostor (hodnici, dizala, stubišta, zajednički prostori, kafeterije, blagovaone, toaleti i sl.). Mjesto rada uključuje i poslovna vozila pod kontrolom poslodavca, a koja služe za obavljanje poslova i usluga;
- 24) Katran je suhi, bezvodni, beznikotinski kondenzat dima;
- 25) Nikotin je nikotinski alkaloid koji se nalazi u duhanu;
- 26) Ugljični monoksid je produkt koji nastaje sagorijevanjem duhana;
- 27) Sastojak je duhan, aditiv, kao i svaka tvar ili element prisutan u finaliziranom duhanskom ili ostalom proizvodu, uključujući papir, filter, tintu, kapsule i ljepljivo;
- 28) Svojstvena aroma je jasno zamjetljiv miris ili okus, osim duhanskog, koji je rezultat aditiva ili kombinacije aditiva, uključujući, ali ne ograničavajući se na aromu voća, začina, bilja, alkohola, slatkiša, mentola ili vanilije, koja je zamjetljiva prije ili tijekom konzumacije duhanskog proizvoda;
- 29) Pušenje je radnja koja dovodi do sagorijevanja duhanskih proizvoda i ostalih proizvoda za pušenje, kojom se stvara dim koji se oslobađa izravno u zrak i udiše ga osoba koja izvršava ove radnje;
- 30) Posredno ili pasivno pušenje je izloženost dimu koji dolazi iz gorućeg kraja cigarete ili nekog drugog proizvoda za pušenje, najčešće u kombinaciji sa dimom koji izdahne pušač;
- 31) Štetna posljedica pušenja je znanstveno dokazana pojava oštećenja zdravlja i bolesti koje skraćuju život pušača i nepušača;

- 32) Uporaba je pušenje i svi ostali načini i vrste korištenja duhana, duhanskih proizvoda i ostalih proizvoda za pušenje;
- 33) Sukob interesa je sukob između službenih dužnosti i privatnih interesa osobe koja nosi javni položaj, ili kandidata za javni položaj, koji ima odgovornost za kontrolu duhana i koji se može povezati sa njegovim interesima ili interesima njegovih srodnika;
- 34) Zdravstveno upozorenje je upozorenje koje ukazuje na štetne učinke duhanskih proizvoda po zdravlje ljudi ili na druge nepoželjne posljedice njihove uporabe, uključujući tekstualna upozorenja, kombinirana zdravstvena upozorenja, opća upozorenja i informativne poruke;
- 35) Kombinirano zdravstveno upozorenje je zdravstveno upozorenje koje se sastoji od kombinacije teksta upozorenja i pripadajuće fotografije ili ilustracije;
- 36) Osoba je svaka fizička, pravna osoba, kao i svi poslovni subjekti;
- 37) Nositelj javnog položaja je službena osoba, službeni predstavnik, savjetnik, inspektor, policijski zvaničnik, carinski zvaničnik ili vladin službenik izabran na centralnoj ili lokalnoj razini upravljanja;
- 38) Prodavač je svaka osoba koje prodaje na malo, veliko, izvozi i uvozi duhanske i ostale proizvode za pušenje;
- 39) Oglašavanje i promidžba duhana, duhanskih i ostalih proizvoda za pušenje je svaka aktivnost s ciljem, učinkom ili vjerojatnim učinkom promidžbe duhanskih i ostalih proizvoda za pušenje ili uporabe tih proizvoda na izravan ili neizravan način;
- 40) Izravna promidžba duhana, duhanskih i ostalih proizvoda za pušenje je promidžba pojedinačnih pakiranja cigareta i ostalih proizvoda za pušenje na prodajnim mjestima na način da su isti istaknuti na posebnim svijetlećim podlogama i u svijetlećim okvirima sa naznakom logotipa proizvođača duhana, duhanskih i ostalih proizvoda za pušenje;
- 41) Neizravna promidžba duhana, duhanskih i ostalih proizvoda za pušenje je:
- i. organizacija događaja na kojima se ističu naziv, logotip ili druge vizualne karakteristike koje podsjećaju na pojedine duhanske i ostale proizvode za pušenje;
 - j. prikazivanje logotipa i drugih znakova za označavanje tih proizvoda na predmetima koji u smislu ovoga zakona nisu duhanski proizvodi;
 - k. besplatna ponuda duhanskih i ostalih proizvoda za pušenje u javnim prostorima;
- 42) Sponzorstvo je svaki oblik doprinosa pravne ili fizičke osobe događaju, aktivnosti ili pojedincu čiji je cilj ili izravni ili neizravni učinak promidžbe duhana, duhanskih i ostalih proizvoda za pušenje;
- 43) Donacije od strane duhanske industrije – svaki oblik financijske ili materijalne podrške javnim ustanovama, organizacijama, sredstvima medija ili pojedincima čiji je cilj ili izravni ili neizravni učinak promidžbe duhana, duhanskih i ostalih proizvoda za pušenje;

44) Duhanski proizvodi za pušenje su svi duhanski proizvodi, osim bezdimnih duhanskih proizvoda.

45) Nesagorijevajući duhan je bezdimni duhanski proizvod koji se upotrebljava putem udisanja aerosola od zagrijanog duhana, bez sagorijevanja.

3. PRINCIPI ZAKONA

Osnovni principi Zakona su:

- a) pravo svakog građanina na zdravlje;
- b) prirodno pravo svakog građanina u Federaciji na čist zrak jer svi, a osobito djeca i mladi, imaju pravo da se zaštite od utjecaja posrednog udisanja duhanskog dima;
- c) zaštita životne sredine i prava građana na zdravu životnu sredinu;
- d) opredjeljenja nadležnih organa i institucija u Federaciji da se kroz multisektorsku suradnju utvrdi strategija i mjere radi promoviranja i podrške prestanku i smanjenju potrošnje duhanskih i ostalih proizvoda za pušenje;
- e) sinkronizirana implementacija mjera usmjerenih na smanjenje potražnje za duhanom i ponude duhana putem informiranja, edukacije i jačanja javne svijesti o štetnosti duhanskih i ostalih proizvoda za pušenje;
- f) odgovornost nadležnih organa i institucija u Federaciji da se osigura dovoljno financijskih sredstava za aktivnosti kontrole duhana u cilju kontinuiranog smanjenja broja pušača i izloženosti duhanskom dimu i
- g) opredjeljenja nadležnih organa i institucija u Federaciji da se odnosi sa duhanskom industrijom reguliraju na potpuno transparentan način u cilju zaštite politika javnog zdravlja i sprečavanja privilegiranog tretmana duhanske industrije.

Zakon o kontroli i ograničenoj upotrebi duhana, duhanskih i ostalih proizvoda za pušenje se primjenjuje na duhan, duhanske i ostale proizvode za pušenje, uključujući elektronske cigarete, bezdimne duhanske proizvode i biljne proizvode za pušenje.

4. ZABRANA PUŠENJA U JAVNOJ USTANOVI PETA GIMNAZIJA

4.1. Zabrana pušenja

PUŠENJE SE ZABRANJUJE U SVIM ZATVORENIM PROSTORIMA JAVNE USTANOVE PETE GIMNAZIJE

4.2. Osiguranje provođenja zabrane pušenja

1. Provođenje zabrane pušenja obavezna je osigurati Uprava Škole, rukovodni radnici i svi drugi radnici kao korisnici prostora i mjesta rada u kojem borave i rade

2. U prostorima i mjestima rada gdje je pušenje zabranjeno mora biti postavljen grafički znak zabrane pušenja i tekst koji glasi: "Zabranjeno pušenje".
3. U prostorima i mjestima rada gdje je pušenje zabranjeno, ne smiju biti postavljene pepeljare iii druge posude koje mogu služiti za odlaganje pepela.
4. U slučaju da lice ne poštuje zabranu pušenja, korisnik prostora ili mjesta rada u kojem je pušenje zabranjeno dužan je lice:
 - a. opomenuti;
 - b. zatražiti od lica da napusti prostor.
5. U slučaju da lice iz stava (4) ovog člana ne ispoštuje zabranu pušenja i nakon što korisnik prostora iii mjesta rada u kojem je pušenje zabranjeno postupi po ovlaštenju iz stava (4) ovog člana, korisnik prostora iii mjesta rada u kojem je pušenje zabranjeno
6. dužan je kontaktirati neposrednog rukovodioca koji o tome treba obavijestiti nadležni organ.

5. ELEKTRONSKE CIGARETE, BEZDIMNI PROIZVODI ZA PUŠENJE I BILJNI PROIZVODI

Zabranjena je upotreba elektronskih cigareta, bezdimnih proizvoda za pušenje i biljnih proizvoda u svim zatvorenim prostorima Javne ustanove Peta gimnazija.

6. ZABRANA REKLAMIRANJA DUHANA, DUHANSKIH PROIZVODA I OSTALIH PROIZVODA ZA PUŠENJE, UKLJUČUJUĆI ELEKTRONSKE CIGARETE

U Javnoj ustanovi Peta gimnazija, radnicima i drugim osobama prilikom boravka u njoj strogo je zabranjeno:

- a) direktno iii indirektno reklamirati, sponzorirati i na bilo koji način promovirati duhan, duhanske proizvode i ostale proizvode za pušenje, uključujući elektronske cigarete;
- b) isticati logotipe duhanskih i ostalih proizvoda za pušenje, bile da se radi o audio, vizuelnim iii audio- vizuelnim materijalima, sto uključuje, ali se ne ograničava na zabranu reklamiranja i promovisanja:
 1. na robama i materijalima, uključujući čaše, pepeljare, stolice, upaljače, dijelove odjeće i slicno;
 2. na fasadama objekata;
 3. na vozilima;
- c) prodavati duhanske proizvode i ostale proizvode za pušenje u setu s drugom robom i uslugama;
- d) besplatno distribuirati duhan, duhanske proizvode i ostale proizvode za pušenje;
- e) vršiti razmjenu duhana, duhanskih proizvoda i ostalih proizvoda za pušenje za drugi duhanski proizvod iii drugu robu, radove i usluge;
- f) s ciljem pribavljanja robe, radova i usluga upotrebljavati duhan, duhanske proizvode i ostale proizvode za pušenje;

- g) nuditi iii davati bonus, premiju, poklon, novac iii nuditi povrat novca za kupovinu ili upotrebu duhana, duhanskih proizvoda i ostalih proizvoda za pušenje, te davati popust na cijenu duhana, duhanskih proizvoda i ostalih proizvoda na bilo koji način, uključujući izdavanje kupona i bonova;
- h) omogućavati učešće u nagradnoj igri, lutriji, takmičenju iii događaju, koji su direktno iii indirektno vezani za duhan, duhanske proizvode i ostale proizvode za pušenje, koja se uslovljavaju kupovinom iii upotrebom duhana, duhanskih proizvoda i ostalih proizvoda za pušenje;
- i) reklamirati proizvode koji svojim oblikom, nazivom iii namjenom neposredno podstiču potrošnju proizvoda za pušenje, a koji se ne smatraju duhanskim i ostalim proizvodima za pušenje;
- j) distribuirati duhan, duhanske proizvode i ostale proizvode za pušenje bez naknade, uključujući poklone od subjekata koji ih proizvode, uvoze iii njima trguju, kao i od drugih subjekata duhanske industrije;
- k) prodavati iii reklamirati duhan, duhanske proizvode i ostale proizvode za pušenje putem interneta.
- l) prodavati duhanske proizvode i ostale proizvode za pušenje putem automata za prodaju cigareta;
- m) prodavati duhanske proizvode i ostale proizvode za pušenje u dvorištu Škole;
- n) zabranjeno je instalirati, postavljati ili koristiti automate za prodaju duhanskih proizvoda i ostalih proizvoda za pušenje.

7. EDUKACIJA, INFORMIRANJE I JAČANJE JAVNE SVIJESTI

1. Nadležna kantonalna ministarstva obrazovanja, u suradnji sa kantonalnim zavodima za javno zdravstvo u Federaciji (u daljnjem tekstu: kantonalni zavodi za javno zdravstvo), obvezna su u nastavne programe za osnovnu i srednju školu uključiti temu o štetnosti pušenja za zdravlje.
2. Sve odgojno-obrazovne ustanove obvezne su na vidno mjesto istaknuti postere i druge promidžbene materijale i vizualne grafikone sa tekstom i slikom koji ukazuju na zabranu uporabe duhana, duhanskih proizvoda i ostalih proizvoda za pušenje osobama mlađim od 18 godina i upozorenje o štetnosti tih proizvoda za zdravlje.

8. NADZOR NAO PROVEDBOM ZAKONA

8.1. Organi nadzora nad provedbom zakona

- (1) Nadzor nad primjenom Zakona obavljaju Federalna uprava za inspekcijske poslove putem nadležnih federalnih inspektora i kantonalni organi za inspekcijske poslove, putem nadležnih kantonalnih inspektora, i to:
 - a) kantonalni sanitarni inspektori nad primjenom člana 4. ovog Uputstva;

- b) federalni i kantonalni inspektor rada nad primjenom člana 4. ovog Uputstva kod subjekata nadzora, kako je to razgraničenje nadležnosti utvrđeno propisima o radu, a koja se odnosi na mjesta rada;
- c) kantonalni prosvjetni inspektori nad primjenom člana 7. ovog Uputstva.

8.2. Ovlasti inspektora

(1) U vršenju inspekcijskog nadzora, u okviru svog djelokruga, svaki inspektor je ovlašten kako slijedi:

a) kantonalni sanitarni inspektor:

- da zabrani upotrebu duhana, duhanskih i ostalih proizvoda za pušenje u zatvorenim javnim prostorima, u skladu s odredbama Zakona;
- da zabrani određivanje posebne prostorije za pušenje suprotno Zakonu i propisima donesenim na osnovu Zakona.

b) federalni i kantonalni inspektor rada:

- da naloži zabranu pušenja na mjestima rada, u skladu sa odredbama Zakona;
- da naloži postavljanje oznaka o zabrani pušenja u javnim zatvorenim prostorima - mjestima rada.
- da naredi odgojno-obrazovnim ustanovama da se na vidna mjesta postave posteri i drugi promidžbeni materijali i vizualni grafikoni s tekstom i slikom koji ukazuju na zabranu uporabe duhana, duhanskih i ostalih proizvoda za pušenje osobama mlađim od 18 godina i upozorenje o štetnosti tih proizvoda za zdravlje.

(2) Inspektori iz stava (1) ovog člana mogu da zabrane i nalože poduzimanje i drugih mjera u skladu sa Zakonom i podzakonskim aktima donesenim na osnovu Zakona, kao i propisu o inspekcijama u Federaciji.

(3) Oduzimanje i uništavanje duhana, duhanskih i ostalih proizvoda za pušenje, na osnovu ovlasti inspektora utvrđenih u ovom članu, provodi se u skladu sa propisima o postupku raspolaganja, čuvanja, prodaje i uništenja privremeno oduzete robe u inspekcijskom nadzoru.

9. KAZNENE ODREDBE

(1) Novčanom kaznom od 2.000 KM do 5.000 KM kaznit će se za prekršaj pravno lice koje ne zabrani upotrebu duhanskih proizvoda u skladu s članom 4. ovog Uputstva.

(2) Novčanom kaznom u iznosu od 300 KM do 1.000 KM za prekršaj iz stava (1) ovog člana kaznit će se i odgovorno lice u pravnom licu.

(3) Novčanom kaznom od 100 KM kaznit će se za prekršaj fizičko lice koje:

- a. upotrebljava duhan, duhanske proizvode i ostale proizvode za pušenje, osim duhana za žvakanje i duhana za šmrkanje, u zatvorenim prostorima Škole suprotno članu 4. ovog Uputstva;
- b. besplatno nudi duhan, duhanske proizvode i ostale proizvode za pušenje u prostorijama Škole u svrhu reklamiranja i promocije;

- c. Novčanom kaznom od 2.000 KM do 5.000 KM kaznit će se za prekršaj pravna osoba koja postupi suprotno odredbama člana 7. ovog Uputstva.
- (4) Novčanu kaznu iz stava (3) ovog člana, u formi prekršajnog naloga, izriče nadležni inspektor koji obavlja nadzor.

10. POČETAK PRIMJENE PROPISA

- (1) Obaveze za fizička lica su nastupila sa danom početka primjene Zakona.
- (2) Škola kao javna ustanova je dužna donijeti akt (Uputstvo za kontrolu i ograničenu upotrebu duhana, duhanskih i ostalih proizvoda za pušenje u JU Peta gimnazija) usklađeno s odredbama Zakona.

Kazne za lica početi će se naplaćivati nakon isteka 12 mjeseci od početka primjene Zakona (28.05.2023. godine), odnosno od dana stupanja na snagu Pravilnika o uslovima za posebne prostore za pušenje u smislu izuzetaka od zabrane pušenja (Sl. novine FBiH br. 41/24) od 05.06.2024. godine.

Broj: 01-03-2467/2024

Dana: 05.09.2024 godine

Na osnovu člana člana 108. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo" br. 27/24) i člana 114. Pravila JU Pete gimnazije, a na prijedlog Nastavničkog vijeća JU Peta gimnazija, Školski odbor na svojoj 45. sjednici, održanoj 05.09.2024. godine donosi

ODLUKU

Usvaja se Uputstvo za kontrolu i ograničenu upotrebu duhana, duhanskih i ostalih proizvoda za pušenje u JU Peta gimnazija-Sarajevo.

Dostavljeno:

1. Direktor
2. Pomoćniku direktorice
3. Sekretaru -kopija
4. Rukovaocu nastavnom tehnikom
5. Oglasna ploča
6. A/a

Predsjednik Školskog odbora

ADNAN ŠAHIĆ



